

列仙聖不斷訓文，說一道之始，以至於末，亦概言之矣。聽之者衆，行之者少，眞修眞煉，則屬鳳毛麟角，爲何如是也耶。究其主因，人之性未頓開。人之生也，未生時元性淨，眞元一點，無罣無礙，無形無體，既入世也，則形體俱備，俗念亦生。欲求返樸，非頓悟覺澈，難復先天。

佛曰：「看破紅塵」，如何可破。塵者，污垢也，淨之則能破，難淨之道，外有七情，內藏六慾，釋道之所謂魔障。治外魔憑一法，治內魔憑一心，外魔易治，內魔難却。人之性，原本善，奈何慾海多魔障，雖有修爲之士，倘心不堅，行不正，則魔障疊疊而來，難拒於千里之外，更曰心猿意馬，更難取捨於寂寂之途。紅塵多孽，人生多障，既不能拒之，孽障由是而生也。禪機頓悟之初旨，衆生必須明之，能明然後能修也。

初會靈山，疑眞疑幻，再會靈山，山亦非山，三會靈山，舍利丹還。

謹以禪機頓悟，與衆子研覺也。

呂祖先師示 壬戌四月十四日（一九八二）

奉道之士，煉心尤重於煉性

列佛聖仙神，請陞座，純陽謹以至誠致謝。塵俗弟子，屢蒙訓導，獲益良多，際此末劫之期，塵緣多難，尤望

聖仙等以慈悲之心，濟世之願，拯慾海衆生於污泥，度幽冥而得超拔，起沉痾於宇宙，景物維新，劫後餘生，得一道以成正果，配三才之利，以合天心，此願能成，有賴衆聖之力，此純陽之殷殷期望也。今以一心以訓導於諸子，願吾弟子，合力參之。

學道貴乎在於心，水裏淘沙始見金，

心性未明難了悟，個中玄妙何處尋。

一道之理、玄妙之門、養性葆命、學行要旨，歷年以來，得蒙

列仙聖殷殷指示，甚至養生修心、行道煅煉、三才之道、循環之理、生滅之門、性命之關，亦有詳盡之闡述，更至外修內煉，亦已七八完成。若從上述所示法門，倘衆生能一一了然，而一心行學，則今日之修爲，已登堂入室矣。惟是細察衆生，虔誠雖衆，心仍未堅，若非達至一心之心，心無二心，則難成大器。吾門子弟衆多，以修爲而論，有半途而廢者，有心存二心者，有無心而爲者，其成敗之理，存乎一心，可見心念之重要如何耳。古往今來，能成於一道者，先決之道，憑乎一心，心能堅，可摧萬物，更可達於九重也。衆子之中，修爲有進者，亦非少數，特以一心勸勉，俾得遵循，煉心尤重於煉性也，願衆同勉。

鍾離太師示 壬戌四月十五日（一九八二）

再述心法之源

一道惟無量，天人合一心，

幾多玄妙處，樂樂去追尋。

孚佑昨以一心之道，勗勉諸子，以爲學道之鑑，可知心法之道，亦無量盡也。古之學道者，在煉道過程中，每遭意外，其意外之道，不外二門，外魔之侵，心魔之擾，遂使習煉者頓入魔途。外魔易拒，心魔難除，勿論內外，均屬邪氣，是故一心之所念，足引魔障矣。

釋道二門，均以心法爲無上乘之法證，凡人亦然，心念善，則善生，心起惡，則惡行，善惡之間，牽於一線耳。修真之士，其修爲雖至虛空之境，倘心法未得，亦難果證。列聖屢云：「學道者，先修其心，再靜其性，始能入至養性葆命之道。」能葆養其性命，則一道自當循序漸進，而有所得也。今特補述心法之源，以助諸生學道而已。

韶華易逝，人生幾何，既入道門，
莫再蹉跎，願玄門子，多參真諦，
多學多行，毋負

師望也。

呂祖先師示 壬戌四月十五日（一九八二）

學道者，應以善德而明哲

今歲天運流年，吾曾言之，在三期末劫之末，天災兵禍，癘疫人禍，隨之而生。今初

圖。玄門弟子，有來自三界之外者，亦有三界之內者，還原返樸，歸真在抱，刻刻不可忘也。語重深長，願諸弟子細參之。

呂祖先師示

太師此言，天機略洩，吾門弟子勉旃之。

白眉先師

華陀先師 三師示 丁卯年四月十八日（一九八七）

雲龍祖師

學道者心要清、性要靜，當能見真

全真不二妙法門，衆生共上寶筏船，

天人同證虛空體，靈珠一串任人穿。

法門不二，普度慈航，爲拯衆生，診疾賜方，修善之衆，指示迷津，葆身安命，驅妖降魔，吾等職責，代天行道，世人每多不明究竟，區區小疾，連篇叩問，每因小故，動輒休咎，家宅不和，歸咎風鑑不妥，輾轉之間，流入迷信之途。人生世上，不如意事常八九，倘能冷靜處之，事無不克，倘染疾病，自當要向淺中醫，不可諱疾而忌醫，倘遇精神恍惚，切不可動輒以爲邪魔侵入，除經證實者外，無須庸人自擾。學道者心要清性要靜，心清性自見，性見現其真靜，能靜自能寂，寂至無所寂，虛空乃見真也。修道者，常三思

之。

關聖天皇帝示 丁卯年五月十三日（一九八七）

先後二天雙修之道

歷劫滄桑是凡塵，越了五行現天真，
千錘百煉能果證，超凡入聖現天真。

道子修爲，先修心，再修命，心命能證，始可修靜，靜至清澄，乃入寂境，寂至無所寂，始可見性，斯時也，乃得明心見性。見性之道，心性能明，便至虛無之境。凡修真者，修至斯境，勢須萬籟俱寂，性不動而心乃息，動不動，一切皆寂，虛空之門，大開方便之境。先天之性，後天之命，二合歸一，道乃成也。末世之末，修道者多，成道者少，考其主因，未能徹意以行而已。願玄門諸子，多參真諦，多行善功，多修多煉，始能返樸歸真也。願衆同勉。

呂祖先師示

天帝訓語，內外同修，凡屬道子，必多讀之。從修爲以至鍛煉，其中過程，一切如上述。知者易悟，由實入虛之法，能了悟而實行之，則真在抱，若中途間斷，則一半難以見功也。慎之慎之。

靈侯大帝示 丁卯年六月廿四日（一九八七）

從道必正，行道必艱

一道存萬古，浩炁留千古，
名留三界內，證道天外遊。

一道運行於宇宙，亦常住於人體，棄實還虛，勿爲七情所染，修爲內外，鍛煉三品之精。人心易變，自應堅貞自持，道途多蹇，常誤道子之心。千百年來，中途棄道者多，每因挫折，遂致離道而行，又因人心不常，離合各異。

仙聖云：道不可離，離則煙沒，又曰從道必正，行道必艱。能成道否，因人而異，在此末世，修行更感艱辛，能明之者，自當見真。韶華易逝，轉瞬百年，願衆道子，珍惜時光，勤勉於一道。

太上道祖示 丁卯年七月初一日（一九八七）

修靜要恆心以爲，勿有始無終

清靜無爲道之本，眞修眞煉道之根，
寂寂無名心性定，涅槃果證脫凡塵。